

giylatachri walenwa Sakosan-chinkalurni wa  
wale. Sipa gima rukshikika wa wale. Sako-  
san-chinkaluru wa wale. Tjenuwatini wale  
tpinitka, gike tixiniko tuwekana. Ga wa tu-  
takin-koxnimka, tupna-najita. Wane tixa pi-  
nitkota wa waka tyayixini.

Ga wa tyoglooka koxa wa wala. Wakona  
tixka wa waka. Tye tonoji sreta wakonatika.  
Wanena wa walako wakonatachine. Wanna wako-  
natlo wa wanna.

Waneko pixka rixatnaka wa jigejgatk-  
klunu wa toro, wale pirana nunkakangi. Wa  
mturu jigejgatikolu, wa shirinka-tsa wa  
mtseru-tsatu, wa kiruka poyjetachri wa  
gots-gosture-tskaka ga ga wale-tsa pixkalutu  
rostu-gejgatka wa mturu. Pa ksuru waneyalu-  
tutka. Wane wixlu. Wostuj-gejgatanna wa

wa wale. Muchinan-gapka, rapuko muna  
rustakyaluna. Gepnokakako rustakika. Wane  
pnute teno ya-shishpikletluna. Giyagni wa  
narankako pixka nshinikanu rixluna. Giyga-  
leji yoslakyaluna wa gimuna-yma-nanuko. Wa-  
ne pnute shishpokatnakluna wa gimta, shi-  
shpokyaluna ga wa waneru wa giygaleji. Ki-  
glerukni, kigle pcheru gi wa rutuka-ygale-  
jita wa gimuna. Wane gixachri gitaaka wa  
wane. Yoshmakinitkaluna wa gimuna, tenoko  
ranika yoshmakletlu ga wa wan-gixachri ro-  
stupotyegitka koxa wa wale. Poyem-potu ri-  
xyegitka.

Wale galikaka gepi simana chininri ru-  
mkata getkota. Wa rupxakinitka rupxakatka  
wa koshpirokatkaluna ga wa wane pnute susta-  
kinitnakluna wa gimtatka. Rushpaka-pcheti-

kakinro wane pnute mantarina ga wa toronga  
wyokakinro, wixlo.

Wane pnute wa tustakikolu tjipwatikolu  
satu T pixka tixa jipwatkota wa tomunaya.  
Teno wa tkopru gistakletka. Wane pnute  
tpotukat-gistakletka. Wane pnute jinmatgi-  
ylo ga wa rali gitukjixletatkalo ral-poko-  
tatnaklu wa wyokakanrupa, rustakanrupa wa  
klojta-plu, ruma-pluko, raluk-yokakletanro  
wala yoslakatnaka. Yoslaklo ga wa gi wa  
kamruklo wa rustakya-waklo. Yigle-potuko  
ma kamruukanutuko rutaka wa yokakya-waka-  
tkalo. Wan-gixachro rostuta ga wa poye-  
mpotu rixlu. Ga wa satu simanatnakni tu-  
mkata getkota wa gikta tupxakinitcha, tupxa-  
katka. Waneklu koshpirokatkaluna wa tosture.  
Wane pnut-koxa wa gitaklu wa numatanru

nshiya. Wyawkaklo. Chiji tapoka. Gepi yineru-pje kotspetlo wane tixini. Satu pinitlo. Gike tixiniko tyotunota wa wane tixini. Satu tsru pa gixanu kotspetka wa waleya, wane tixko-klunu. Gik-kgimlu wa wale.

Waneko pixka rixna wa mturune. Wa magwane wix-getletna makamka kagwalunni. Wa wyostaka-gwajetya-wakna, gajerya rupchekagwatinitka, satu yowuma-je wjima. Wjimpotutlu seroo rixpotuta. Waneya-stsi yochpikagwata wa mturu. Giyagni wa wale wumep-yochpikle-gwapotutlu gitok-potuko, ga wa girupchekanatka wa gigwani ga wa tomta kapotatkalu. Wanekta gixkalurni wa waka magwato. Magwato gishpakya. Gi wa tixya-wakni. Tjigwatkana. Tpinitka koxa.

Wane pnute, wa waka pinitikolu wa tsomi

Shiji rutaako-klunu, ga wa moletka waneko.  
Rustaako-klunutka, moletka waneko ga wa wa-  
neko rujpgaya. Waneko kopalatkatnaka wale  
gijpagkalu.

Wane rixini gima kigle-koxlu. Gike  
rixin-gima, gi chinna, wa wannakotnaka gike  
rixini wa mponikotni. Ponikol-gogne-nanni.  
Seyni san-makni seyni wa rugnantakpotutko-  
klunu gike rixini magantapa wa gitaklu.  
Kapokot-san-gimmakni, gichko-gogne-nanru.  
Rawgognenata. Gike rixini rupriga wa wuta-  
kle. Wane rixka wa gitaklukaka. Waneko  
pixka rixa wa wushanrekaka wumkata ginaka-  
kta moletya-waklu. Wane wutakinri ga wa  
wane rujpgaya. Wale pagiko rutakjetna wa  
wanna. Giyagni wa xani wa gewi rawya-wakna,  
twu naranka gewi gwachro wa chiji yapjetka-

rejga-najna wa gigraga ma muknoginitipa wa  
rejga sreta. Waneko gepi simana, mapa sima-  
na wetatkalu ruchi-pnamtatka ga wa rupriga-  
mta, rujrukamtatka. Kigle-potmaklu wa wale.  
Gi wa jenuwata, kigle gistongal-potlu. Ga  
wa rejga-najnitka rujrukyanatka.

Wane pnut-koxa wa gikta rixini, wane  
wixanru wixa. Pimrine kigle gistonje-gejga-  
le. Ga wa gepi jenuwatyanwu. Wgirukotpo-  
tut-koxa wale, wa jenuwatini. Pinitka ga wa  
rutuka.

Waneko pixka wa tsrunetka, gepi walapu  
waneyalunetka wjigejgatatnaka. Wanna koxa,  
waneru wa satu wa makina. Wala jigejgatika-  
tkana wa wanna. Rachpak-gejgatkana ga wa  
rustonga wa rejga naji-tsa rustongiyna. Wa-  
nna koxa girukotka koxa. Pa grukoko ruta-

kigle-tspotu rixka. Ga wa tsernu-sta gali-kaka, wane rutakamtika wa tsernu-sta, pamole metro. Tsernu rumkata gitaakota. Wane rixa yimakletno wa nyimakjeru.

Wane pnut-koxa wa klojta poroto, wa gitaklu kapotachropa, kagwi-sha gitaakaluro. Wala koxa wutaka. Wpajitlo wala. Wyapka-kjetlo, ga wa potuka-tskoxa wixlo. Ga wa wane ganikajite tupchekatka. Tsrotkani, wane ganikajite wutakatnaklo kagwi. Wala chikle mpuko twinri-gimapa.

Waneko pixka rixa wa shirinka. Rupche-kinitka gipchekaka, yokmajtatkatka. Wane rutakika wa wale ga wa jito-pnajgapkata. Wane pnute koshpaka. Rutaakatnaka waneya. Wane girukotii-koxa. Wa rupchekako-pshini yonakyegjetka. Powra potu rixyegitka.